

ابوئنه شرايطي

ممالك عثمانیه دده سنه لکي (۶۵)، آلتی
آيلنی (۳۵) غروشدرد .
ممالك اجنييه دده سنه لکي (۱۷)، آلتی
آيلنی (۹) فرائقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشیندر .

§

مسلكه موافق آثار مع الممنونيه قبول
اوانور . درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هنته اقی مجموعه اسلامیه در .

صاحب و مدیر

سر محرر

ع . اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

جلد ۱۲

۲۵ شوال ۱۳۳۲ پنجشنبه ۴ ایلول ۱۳۳۰

عدد ۳۱۰

ثانی نازیمجیه

قاپیتولاسیونلرک الفاسی

قاپیتولاسیونلرک رفع والفاسی حقندہ حکومت اجنبیہ تبلیغ ایدولان نوطہک صورتیدر :

حکومت عثمانیہ اورروبا... رشوبسلدیکی مهمانوازلق و دوستلق حسلرینک سوقیلہ تجارت ا... سرقہ کلہجک اجنبیلرک تابع اولہجفی احکامی و قیلہ صورت مخ... تعیین و دولترہ تبلیغ ایلشیدی . باب عالینک صرف کندی احبیریلہ قبول ایتدیکی بواحکام بالا آخرہ بر امتیاز شکلندہ تفسیر و برطاقم تعاملات ایلدہ تأیید و توسیع اولوہرق عہود عتیقہ نامیلہ زمانمزہ قدر دوام ایدہ کلدی . حال بوکہ عصر اخیرک دساتیر حقوقیہ سنہ و حاکمیت ملیہ اساسنہ تماماً مغایر بولنان بوامتیازات بر طرفدن حکومت سنہک ترقی و انکشافنہ مانع اولدینی کی دیگر طرفدزدہ دول اجنبیہ ایلہ اولان مناسباتندہ برطاقم سوء تفہمہر تولید ایتک اعتباریلہ مناسبات مذکورہک مطلوب درجہدہ کسب صلاح و صمیمیت ایتسنہ بر حائل تشکیل ایتکدہ ایدی . دولت علیہ ۱۲۵۵ کلخانہ خطہایونی ایلہ داخل اولدینی طریق تجدد و اصلاحاتدہ ہر مانعہی افتتاح ایدہرک یورو مکدہ دوام ایتش و آوروپا عائلہ مدنیہ سندہ حق اولان موقعی احراز ایچون اساسات اخیرہ حقوقیہ قبول ایلہ بنای دولتی بولنرہ استناد ایتدیرمک پروگرامندن آیرلامشدر . مشروطیت ادارہک اسیسی حکومت عثمانیہک طریق تجددہ صرف ایتدیکی مساعینک بر موفقیت مسعودہ ایلہ تئوج ایتدیکنی کوسترر .

مع مافہ حاکمیت دولتک اک مهم بر رکنی اولان حق قضایہ ، عہود عتیقہ ایجاباتندن اولہرق ، اجانبک اشتراکی و برچوق قانونلرک اجنبیلرہ تطبیق اولنہ میہجفی ادعاسیلہ حق تشریع دولتک تقیدی ، مملکتک آسایشی اخلاص ایدن بر جرم فاعلی حقندہ مجرد اجنبی اولسندن تعقیبات ، اجرا ایدیلہ مامسی و یا برطاقم قیود و شروطہ رعایت مجبورییلہ حقوق عمومہک ضیاعہ اوغرامسی و عین عقددن متولد بر نزاعک صورت و مرجع حلک تابعیت عاقبتنہ کورہ تعدد و تنوع ایتسی کی قیود استثنائیہ مملکتدہ ترقی عدلی نامنہ و قرع بولان تشبثلرک کافہ سنہ قارشو قیرلماز برسد تشکیل ایدیور .

ینہ عہود عتیقہ ایجاباتندن اولہرق اجانبک ممالک عثمانیہ داخاندہ تکالیف مالیہ دن آزادہ بولنلری باب عالی یی دکل یالکیز اصلاحات ایچون لازم کلن مناسبی تدارکدن حتی احتیاجات عادیه سنی بیلہ استقرارہ مراجعت ایتکمیزین تسویہ دن عاجز براقیور . بالواسطہ تکالیفک تریدندہ کی عدم امکان بلاواسطہ ویرکولرک آرتیرماسنی و مکلفین عثمانیہک

ازلسنی انتاج ایدیور . ممالک عثمانیہ داخاندہ ہر درلومصونیت و امتیازاتدن مستفید اولہرق سربستجہ تجارت ایدن اجنبیلرک عثمانیلردن دہا آز مکلف اولملری ایسہ غیرقابل تجویز برحقسزاق تشکیل ایتدیکی قدر استقلال و حیثیت حکومتیہ محل بر حالدر .

حکومت سنہ . ون بو موانع ایلہ مساعی اصلاحاتپرورانہ سنہ دوام ایتک عزمنندہ ایکن ظہور ایدن حرب عمومی مملکتدہ موجود اولان مشکلات مالیہ یی بتون بتون تشدید ایدہرک شمدیہ قدر باشلامش و باشلامسی قرارلاشدیرلمش اولان کافہ تجدداتی عقیم براتیق تہاکہ سنی حصولہ کتیردی . باب عالی امیندرکہ حکومت عثمانیہ ایچون یکانہ چارہ نجات اصلاحات و تجدداتی بر ن اول ساحہ فضلہ ایصال ایتکدہ در . کذلک باب عالی امیندرکہ بویولدہ آتہجفی عزمپرورانہ آدیلرہ دولتر طرفدن تشویق و تشجیع ایدیلہ جکدر .

ایشتہ بوامنیت سائقہ سیلہ درکہ شمدیہ قدر دولتی ترقیدن منع ایچون بر آباق باغی اولمش اولان عہود عتیقہ یی و آنلرہ متقدم ویا آنلردن متولد بالجلہ مساعدات و حقوق ایتشرین اول ۱۹۱۴ تاریخندن اعتباراً الفا ایلہ دولتر ایلہ اولان مناسباتندہ حقوق عمومیہ دول اساساتی قبول ایتکہ قرار ویرمشدر . حکومت عثمانیہ ایچون یکی بر دورہ مسعودہ کشاد ایدہرک و بناء علیہ ذات امیلانہ لرنجہدہ بلاشبہ بادی محظوظیت اولہجق اولان قرار واقعی تبلیغ ایلہ کسب فخر ایتدیکم صرہدہ شوراسنی علاوہ یی وجیبہ دن عد ایدہرک کہ باب عالی عہود عتیقہ یی حکمدن اسقاط ایتککہ دول اجنبیہ دن هیچ برینہ قارشو غیر دوستانہ بر فکر پروردہ ایتککہ اولیوب وطن عثمانینک منافع عالیہ سی نامنہ حرکت ایتکدہ در . و حقوق دول اساساتنہ توفیقاً تجارت معاہدہ نامہ لری عقدنہ آمادہ در .

تاریخات

ثروت فنونک اتحاد اسلامہ طرفدارلنی

ہفتہ ان ثروت فنون رفیقہ رک ۱۲۱۳ نومرولو دہخستان عیناً :

« مصرک ، ہندستانک ، فاس ، جزائر ، تونسک قانندن غدا-نی آلان انکلز و فرانسزلر ، اسلامیاتی تاقلبکھندن وورمق ایچون شمدیہ قدر هیچ بر فرصتی قاجیر مامشلردر . و بوقاتل قوتہ قارشو اسلاملرک یکانہ چاردسی بری برینہ تعاون و مظاهرات ، مشہور تعبیریلہ « اتحاد اسلام » اولابیلر .

ثروت فنون رفیقہ یی دہ اتحاد اسلامہ طرفدار کورمکک نمونز .